



曇花記下

長子部
振聲五
諸子名

武林天繪樓校梓

第二十七齣

公子思親

謁金門

上小生

自歎生來魔障展轉添惆悵四海尋親

空策杖慙恨乾坤俯仰

有父累布袍。單身走空谷。有子披羅衣。僮奴侍華屋。父既巢雲松。子當念風木。哀哀蓼莪篇。把詩不可讀。木龍駒生身不辰。骨肉萍梗。父既遠遊訪道。母亦矢志孤棲。止有不肖之兒。終日守妻子。饗膏梁。尋思二親。慙愧天地。如之奈何。荆人房氏。頗有孝心。見舅姑飄零。夫君愁苦。他亦早晚同戚。了無

歡容。父親久無音耗。寢食何以自安。不免與娘子共嘆一番。娘子何在。

前腔小貼何處芒鞋一緉。雲水愁難訪。定省晨昏今

久曠。子婦同懷悒悒快。

朱門豈不貴。何事長離憂。姑久掩。良人日以苦。妾心能不愁。棄。

救樓相見介。小生。娘子。你公。人別。隔絕無音。婆婆。縞素清齋。幽棲良苦。你我。

能安。卑人欲待再出去尋訪。爭奈雲海渺茫。難。母親寂莫無依。展轉悲愁。如何是姪。小貼。官人。

行孝道。欲窮雲水之踪。賤妾亦有人心。敢戀房幃之愛。只是四海無家。一時難覓。足下此身。木氏關

係不輕。君再思之。

風入松小生我少年生長在華堂。幾時解淒清境况。綺

羅叢裏笙歌響。又早進金盤嘉釀。今日裏。游罹禍殃

親骨肉。兩參商。

前腔小貼堂空客散燭無光。歎門闌暗結蛛網。依然出

鐘和綉牀。又不是生災生障。一霎時。梧凋葉黃。秋雨

後轉悲涼。

舍人上。仙客遠從雲外去。天恩近自日邊來。稟上

公子。小人是汾陽王郭爺舍人。俺老爺將木爺棄

家學道。及公子文武全才。一一奏聞聖上。聖上褒獎老爺。拜公子官爵。早晚必有玉奇下了。老爺特

差小人來奉報（小生）叫手下送郭舍人廂房茶飯
（內應科）舍人下（小貼）原來有此事寂莫之中得此
一喜（小生）娘子聖上褒獎公公道德誠為可喜封
拜卑人此心不願你公公無過是雲遊訪道我兒
子怎麼襲職受封果有此事還要
上本力辭（小貼）官人所見極當

鎖南枝（小生）聞新命心轉傷我父親雲遊知那方祿不
逮高堂官封怎安享願布衣甘草莽明日面君王把
此情去奏上

前腔（小貼）夫受爵妻有光翟冠鳳翹垂兩襜聞命意倉
皇躊躇暗思想榮可羨親怎忘好去向君王君心定

相亮

（小生）紫綬金童不敢當（小貼）一封明早奏君王

（小生）親為萬里煙霞客（小貼）子願終身田舍郎

第二十八齣（公子受封）

粉蝶兒（小生）奕葉貂蟬報國方當年少看家傳豹畧

龍韜錄忠勲褒隱逸聞道璽書將到奈親恩固極君

恩難報

老臣已逐漁樵去聖主難忘麟閣功延賞又沾門
蔭貴勅書新下未央宮（小生）木龍駒是也伯父

陽王郭公。將我父親棄官學道事情。具本申奏聖上。聖上不忘靖亂之勳。深惜老臣之去。將以蔭叙錄用。小生。今早汾陽着人來報云。詔書將到。只得設案焚香。在此祗候。左右上報科稟上公子。朝廷遣汾陽王郭老爺齋詔勅封公子官爵。已到門首。小生迎接科小外上奉天承運。皇帝詔曰。據中書令汾陽王郭子儀奏稱。定興王木清泰。當安史之逆節。丁王室之流離。力剪元凶。蕩平大難。功莫茂焉。爵頒茅土。盟指山河。綿祚永福。朕方當與卿共之。爾乃引分知幾。辭榮入道。遠追子房之迹。近紹鄴侯之風。世所罕聞。良足嘉尚。可賜號圓照大師。其子龍駒。才兼文武。秉志忠良。授驃騎將軍。襲定興侯。嗚呼。輕珪組而踐大道。臣子之高標。獎隱逸而錄忘勳。朝廷之盛典。爾其不忘。猷告益務。修欽哉。毋敢謝恩。小外萬歲萬歲萬歲。小生伯父請上。容小姪拜謝。小外賢姪免禮。小生拜小外

答拜科小生老父黑頭遠引。聊以全生。小姪黃口無知。謬膺簡命。蒙朝廷作養之賜。荷伯父推荐之恩。不任戰兢。何勝感激。小外尊公辭榮晚節。味道清真。賢姪砥行茂齡。承家忠孝。椿梓同躋。令聞老夫幸竊餘光。望你勉竭臣勞。務酬主德。小生多謝伯父訓誨。但小姪尚有古情相告。老父訪道未回。爲人子受爵何安。還要面聖辭官。望乞伯父張主。小外尊公既已辭爵。賢姪理合受封。這也不消辭。聖上一定也不准。中書省中有事。老夫就此告別。鳳穴繡真美。龍門客又新。下小生不免喚出妻子。同到蓮花菴中。拜謝母親左右。請新夫人出來。

西地錦

小貼

紫禁新來天詔。青閨乍整雲翹。封侯夫

婿年猶少。早看玉帶橫腰。

相公萬福。(小生)夫人拜揖。(小貼)相公新拜小侯。龍
章承寵。賤妾亦因夫貴。鸞諧分榮。可喜可喜。(小生)
下官新承寵命。當圖捧日之忠。老父久賦仙遊。轉
切望雲之想。奈何奈何。我和你同到蓮花菴中。拜
謝母親養育之恩。(小貼)
正該如此。(同行科)

前腔旦日氣全澄蓮沼。香煙初散松寮。貼小上方諸

品圓明照。花陰曉日團瓢。

(旦)紺目澄清四大海。玉毫宛轉五須彌。貼小旦
士普門隨物現。願教得度比丘尼。(小生)小貼同拜
孩兒新承門蔭。拜將封侯。衣緋腰玉。容孩兒拜謝
母親養育之恩。(旦)孩兒免拜罷。孩兒你做官好。只
是你父親雲水無踪。使為娘的終日挂念。(小生)稟
告母親。爹爹人中豪傑。父遇方外異人。大道可成。

仙遊無恙。這曇花無根茂盛。料必不是偶然。適逢
朝廷詔勅。旌獎父親清高恬退。賜號圓明大師。(旦)
好好。聖主知重。道號顯加。這
也不負你父親清修苦行了。

降黃龍雲外逍遙。地北天南遊蹤皆到。門庭冰冷。
吾兒新拜五侯綸詔。明朝謝恩北闕。好去彤墀微道。
須勉圖顯親報主承家忠孝。

前腔小劬勞屢葉金貂。黃石遺編赤松無耗。承家開

國念親恩主德。總來難報。須教枕戈汗馬。努力塞雲
邊草。幾時得功成大漠。鶴歸華表。

前腔

貼小

名堯日麗丹青。夫婿朝回。御爐香透。東方千

騎看鬃鬃白。人都道好。還教秉忠竭節。不負金裝

裘帽好。追踪辟疆傳祚。留侯不老。

前腔

貼小旦

蕭條戶網。看鳳雛龍種。郎君清妙。恩

波優渥。拜何家驃騎。門閭重耀。靄苗曇花正。感相映

堦庭芝草。願函關真人紫氣。歸來須早。

黃龍滾

旦

瑤弓犀革。寶劍龍紋。朝小舊日。棠隸部

曲還來到。

合

紅雲天表。朱旗日照。榮簪笏。寵林壑。加

封號

前腔

貼小

麒麟通袖袍。鸞鳳泥金語。

貼小

羅雀門前。朱

履今重到。

合前

尾聲仙郎結束登廊廟。轉念慈親修道。依舊蓮花伴

寂寥。

小生好告母親得知。爹爹雲遊。定有還家之日。孩兒如何受爵襲封。顯是忘親慕祿。稟過母親。明日少不得上表為爹爹謝恩。併辭封爵。旦孩兒。你這箇所見亦是。

年少郎君初拜候

小生思親不見轉添愁

明朝具疏陳情去貼 爲道新恩未易酬貼

第二十九齣 面聖辭官

唐多令小生 新命下丹霄。封章謝聖朝。親闈何處路

迢迢。多少煙波雲嶠。辭印綬。訪漁樵。

拜爵王朝寵渥優。况兼道號貴林丘。白雲望斷千山遠。紫綬何心萬戶侯。木龍駒叨蒙聖恩。既拜定與小侯賞延世胄。又以圓照大號。褒寵家君。恩數無以復加。但老父暫行訪道。必還返于家園。爲子輒受爵襲封。置嚴親于何地。趨庭之念方切。立朝之意何安。夜來修下一疏。伏闕面君。一則爲老父拜謝寵褒。一則爲下官固辭新命。來到此處。已是朝門。不免伺候聖主升殿。呀。朝鐘已動。文武皆齊。

不免隨班朝見。則箇萬歲萬歲萬萬歲。內科。大臣官負有事奏事。無事退班。小生。臣有短疏。具奏天顏。內侍上。既有奏章。送上來。替你轉奏。小生。臣有下情。還求口奏。內侍奏來。

步步嬌小生 臣父當年辭榮蚤。遠去因求道。寬容荷聖

朝。不罪逋逃。更加封號。煌煌勅命寵林臯。君恩如海

真難報。

內侍問科。皇帝問。卿父清泰。壯年慕道。黑髮辭榮。朕既仰遠。引高風。又惜老成。去國時。厯於懷。不審雲遊。有信否。小生悲科。

沉醉東風感吾皇。尚思遺老使微臣。不勝悲悼。一自

遠遊遨。做撒手冥鴻去。杖履久無消耗。臣忝天涯。遍尋海島。咫尺間。奈三山路遙。

忒忒令遇樵夫。有雲牋順稍。問何之。仙踪又杳。因此上把黃泉碧落都遊到。念微臣兩虧忠孝。只落得瞻帝闕。望親舍。時時暗地裏淚拋。

內侍皇帝有旨。卿父遠遊。既有報書。足知山中無恙。徐訪仙踪。退班。小生臣還有下情。面奏聖上。侍奏來

小生

好姐姐天朝。侯封寵褒。錫微臣一封丹詔。臣父雲遊。

定返。臣官何太早。忍叨昂金章紫綬。雖榮耀。慕祿忘親罪。怎逃。

內侍皇帝有旨。卿父雲遊。必有還期。但既已辭。豈肯再受。勲臣封爵。不可久虛。卿青年異才。允宜擢用。已有成命。不必固辭。小生唱

嘉慶子念臣親。山林養高。捨一官。棲遁欲老。甘着那澹薄修道。臣未得。晨昏問寂寥。

雙蝴蝶

臣父呵

穿着日禰的藍布袍。繫着一條的黃束縵。喫着苦菜與藜蒿。隨着苦行的水雲僧道。晚來

隨處宿殘菴古廟到得曉來。托鉢走荒郊。

園林好。臣怎忍。官尊爵高。臣怎忍。垂纓珥貂。臣怎忍。一身榮耀。食美食。進香醪。因此上訴皇朝。

內侍皇帝有旨。卿父全身入道。卿能盡忠報國。豈不兩全。小生唱。

川撥棹。恩非小。豈不願。竭忠報效。儻忘親自立功勞。儻忘親自立功勞。那些箇。求忠於孝。願辭官。守草茅。願尋親。忝問採樵。

錦衣香

若論臣才呵

文不能。經廊廟。武不能。先征討。

何由上補龍光。只落得下慙烏鳥。哀鳴君父訴心苗。望鑒臣微悃。免賜官寮。便芒鞋。學襖。敢辭那水曲山椒。誓把天涯遶。東窮蓬島。南尋衡岳。西抵河洮。

漿水令。臣稽首。謝恩丹徼。臣稽首。拜還紫誥。望君王。寬容寵包。犯雷霆。神魂戰慄。天恩定擬。捐軀報。也有時朝端環珮。塞上弓刀。年猶少。氣未消。他年七尺。輕於草。又何辭。又何辭。碎塗肝腦。千萬歲。千萬歲。頌德唐堯。

內侍聖旨下。木龍駒身初拜爵。心不忘親。可稱純孝。據口奏情詞。良可矜憫。但朝廷既重酬勲。臣子分當許國。所封官爵。不准辭。即當擇吉供職。叩頭謝恩。小生謝科。

尾聲辭官不允重頒詔。從此衣冠候蚤朝。叢桂何緣再見招。

一心只要訪遊踪。爭奈辭官上不從。

自是朝靴換芒履。宵衣初聽未央鐘。

第三十齣 冥官迓聖 丑扮裨消丸 小外

小丑笑上。閻王殿下。裨消丸。二十闌班珠。走盤撮。哄到肝王太尉。咲開鐵臉。馬靈官。帝孫見我軍志。

織仙子開言也送丹。只為舌端留地府。至今長夜黑漫漫。小子黃幡綽是也。以謳歌琴奕。伏事宗皇帝。出入宮禁。三寸舌尖兒。好一派五色綉毵。滴溜溜滾將去。說得楊妃破顏。六宮絕倒。二郎饒他十分人惱怒。不快活時。但聽我三兩句巧舌頭。也就開懷了。太真娘娘。十分喜我。我曾與皇帝對局。他碁輸了。不好意思。太真放出康國獨子。上兒兒。亂了碁局。皇帝大悅。此時太真身上。薰外國龍腦。香的綉帶。被風飄在我巾兒上。一拂過去。那巾兒整整。香了三箇月。這也不在話下。咲見閻羅天子。考校罪惡。道此人雖巧弄舌尖。出入宮禁。卻不曾招攬勢利。且有譎諫微勞。饒他拔舌。署我在地府。做箇傳送官兒。誰知宿業難忘。依舊花言巧語。地府中受苦衆生。鐵丸當食。入口火起。苦不可言。愁眉淚臉。無一刻歡容。但聽我清話一場。愁顏便展。地府中人都說。聽黃幡綽說話。會中鐵丸兒也省。

了。因此上都叫名綽消丸。近日傳聞西天祖師賓頭盧蓬萊仙客山玄卿帶一箇新度弟子。乃是定興王木清泰來遊地府。想祖師之意。一則要將地獄衆苦警省木公。堅其道念。一則要隨緣方便。度脫地獄衆生。月下將到。閻羅天子。命曹吏差官迎接聖僧。曹吏與我相善。就差了我。順便往陽間。花世界遊耍一回。好快活也。呀。遠遠望見。敢司連苑宮大將顏公來了。小旦上科日落常山鼓力微。孤城矢盡。鬪兵稀。陰風獵獵。旌旗暗。血染遊魂未得歸。自家常山太守顏杲卿安祿山逆賊之叛。罵賊而歿。上帝憐我精忠。拜爲六天敢司連苑官大將。尊貴權勢。代天行化。我思量起來。生爲烈士。必作天神。雖然正氣英名。終是不了生歿。近聞得西天祖師賓頭盧。發大弘願。度化衆生。不免去參禮聖僧。求道問法。多少是好。小丑冥府傳送官綽消丸。見大將軍小外怎麼叫做綽消丸。小丑小子

在冥府。以口舌得官。花言巧語。能使衆生聞者。奔卻宵中鐵丸。以此得名。小外胡說爲人不徹。正人話正話。怎麼花巧舌頭。小丑是大將軍舌頭會罵賊。小子舌頭會消丸。也爭不多哩。小外又胡說。以後改過。不爾。吾當以三尺劍。親斷汝舌。小丑不敢。外未生同上。三點疎星曲。一灣新月斜。披毛從此得。作佛也由他。我們三人相約同到地府一遊。看那地府風景如何。木西來。假如不成大道。不了生歿。這處所。是你我安身立命的窩兒。怎麼不來一看。小丑相見科。大師弟子叩首。閻羅天子聞大師三位來遊地府。差傳送官綽消丸迎接。外生受你。既如此。你可相送隨行。小外上故常山太守。今拜敢司連苑官大將。弟子顏杲卿參拜西天祖師。山仙伯木先生。見禮了。外檀越此來何事。小外弟子特來禮祖師。參請佛法。外檀越是忠烈丈夫。丈夫元只有一點靈明。迷則小局形骸。悟則大包沙界。

將靈明作惡業。便是惡人。將靈明作忠烈。便是烈士。將靈明作佛事。便是佛子。若對奸佞。忠烈是大善因。若入佛門。忠烈也用不着。寂寂無事。爛爛常。小生我縛消丸。是巧舌。祖師能化盡三千大千世界。須化不得我三寸舌頭。小外怎麼你舌頭就化不得。小丑世界衆生有心。故可化。我舌頭是無心的。以此化不得。外錯了。三寸長的是舌。那會說話的。不是舌頭。小外拜謝。介弟子省得了。小丑謝介弟子也。省得了。

外 二子一言並悟

末 投機良馬神鞭

外 從此心空白刃

丑 還應舌長青蓮

第三十一出

卓錫地府

小生扮閻羅天子

小生冕旒神將曹官左右侍從上。玉塔金殿森羅鐵面銅頭來往。善惡幽隱悉知。報應毫厘豈爽。人言地府幽冥。日月大明高敞。看做冥冥道眼。看做朗朗愁人。見月妻涼。歡欣賞。天宮雨是寶珠。修羅雨是兵仗。名為循業發現。福業各隨情想。閻羅本性大慈。忍巴群靈笞榜。父祖痛撻兒孫。元要兒孫成長。衆生苦痛一番。臨別諄諄誘獎。誰知一去便迷。更長無明伎倆。可憐纔脫火坑。轉眼又投羅網。業因似影隨形。果報如聲應响。閻羅何有成心。至戚也難阿黨。我今奉勸世人。慎勿迷真。逐妄自家閻羅天子是也。今蚤升殿視事。且要迎接西天祖師。此時想可到也。曹官吏跪。稟上大王。罪人過惡多端。案卷一一奉呈。大王覽決。又有白起一案。曹操一案。崔浩傳奕一案。事體重大。屢年未結。望大王上裁。小生一切案卷俱發各殿。各曹勘問回覆。這三大案。寡人親自裁決。吏又有

新收各犯公案。酷吏周興來俊臣一案。姪毒篡唐武氏一案。作姦誤國。李林甫一案。反叛安祿山一案。專權召亂。楊國忠一案。謀害忠良。盧杞一案。宣淫茂檢。顧雕龍一案。挾仇造謗。孟豕韋一案。並求大王勘問。(小生)武氏安祿山李林甫三案。事體重大。寡人親問。盧杞事情。上帝先勅仙官顏真卿等會勘。其餘并發各殿曹勘。明日先勘。結曹掾等三舊案。(吏諾)(小丑上)稟大王。西方祖師蓬萊仙客。定與王木清泰。已到殿前。(小生)快迎接。(小生)出迎相見科。(小生)祖師稽首。(外)大王稽首。(小生)仙伯拜揖。(末)大王拜揖。生大王尊坐。容木清泰拜見。(小生)公已入道。戒行清高。殊為可敬。只常禮罷。祖師上座。弟子與山仙伯木定與分東西。(生科)(小生)幽冥下界。麤濁凡夫。幸蒙聖師卓錫。望弗恡金鏡。開我昏翳。蠶茲大衆。咸望慈航。(外)衆生迷墮。為縛凡情。但無聖解。貧僧心存普度。道愧弘慈。大王宿

德上根。何難頓悟。我三人此來。欲借觀大王考校。肅爽靈威。徧閱陰府泥犁。用堅初學耳。(小生)僊伯長生不老。清虛絕塵。願假三清。解我五濁。(末)僕玄都下品。北面聖僧。第轉法輪。無煩鄙教。(小生)分付曹官。潔具香齋清供。請祖師三位。到別館安居。寡人粗了今日公案。即當奉陪。別利曹吏送三師詣別館。同下。(小生)叫吏卒帶白起一班罪人過來。衆(小生)稟大王。白起一班罪人當面。(小生)白起長平之坑。四十萬人。同日併命。枯骸山積。冤氣滔天。情罪甚明。本非疑獄。承問官並少風力。何有稽遲。可即便驅入阿鼻獄中。不須再勘。(小生)再帶崔浩傅奕兩起罪人過來。(衆)諾稟大王。崔浩傅奕兩起罪人當面。(小生)崔浩傅奕。佛是西方大聖。精微廣大。妙湛圓明。三界獨尊。萬劫不壞。不准鄴都濁世。同切皈依。即上界諸天。盡皆頂禮。汝是何人。敢行誹謗。不曾窺見佛門之一班。輒肆口舌。干三寶。闡提重

罪阿鼻何辭諸司所以不決者以此二人薄有文
雅頗著名節殊不知謗佛罪深小節莫贖速入無
間不必再推曹操極惡通天奸深如鬼殺人甚多
尤多名臣義士戕殺國母一節尤為公論所痛忿
明日請祖師三位同坐殿上鞫問
元凶以為一快吏卒且散去（衆誌）

生小 目電九幽明皎日 手提三尺凜秋霜

即將嚴訓為慈訓 衆始信團團是福堂

第三十二齣 閻君勘罪 丑扮曹操 小丑扮
華歆 貼扮伏后

齊天樂 小生 殿堂業鏡高懸 虎頭明照 轟雷閃電 益

世雄心偷天巧手 到此俱成冰炭 外未生 陰風晝慘

歎熱鐵烱銅 渴飲饑餐 無景凄然 好清齋香供禮金
僊

（相見科）外大王你今日勘事須升殿南面正坐我
三人略退在寶座之後借閱公事（小生）如此有罪
了叫吏卒請三位尊師後面看坐官吏帶曹操華
歆漢后伏氏一起過來（衆）諾帶見科（小生）曹操你
圖謀漢鼎殺害忠良多少豪傑何限軍民斷送在
你手裏只圖一身富貴那管四海遭殃我且問你
你為人一世春秋最高不過百年衣食男女受用
幾何何苦使盡心機作盡凶惡貪百年之受饗貽
萬劫之災殃你也可想有今日麼你一定剗除因
果抹殺神明把上帝與俺閻王的公座輕輕見徹
過了纔敢是這等肆行無忌（丑）大王曹操到此地
位怎敢相瞞平生雖是奸雄其實會葬全不知有

上帝閻羅善惡因果。道是生前且圖得志。歿後真
漠無知。若早知有今日。怎麼敢肆志如此。(小生)這
等說你。一發可咲了。你臨歿之時。囑付銅臺諸伎。
每日奏樂上食。若歿者無知。誰來受饗。如其有知。
你罪惡深重。受報不遑。何暇來聽樂饗祭。(丑)罪人
果然是千般奸狡。一味餽塗。(小生)孔融揚修。禍衛
諸君。遭你荼毒。事並已勘明。只就伏后一節。你屢
有辭展辨。從實供招。勿再饒舌。(丑)就伏后一事。實
是華歆逢迎罪人。輒行弒逆。操未曾知。(小生)華歆
怎麼說。(小丑)大王。曹操以伏后之事。遣怒伏后。召
歆于密室之中。屬歆帶將吏入宮行事。事成之日。
官陞九列。直至三公。華歆一時受禍。只得勉強應
承。若操不使華歆。華歆也是箇愛名節的人。怎忍
一旦狼藉至此。(小生)華歆好一箇愛名節的人。破
壁取后。揪髮跣足。行過上前。伏后呼上求救。上曰。
我命不知盡在何時。此時慘動天地。不知你這賊

子。遠也。少動心否。此等大事。若不奉曹操之命。誰
肯擅行。這也不消照業鏡。直須以理斷之。曹操快
招如尚展辯一詞。鐵鞭亂下。(丑)驚懼科。罪人這番
招了。(小生)伏后過來。我固憐你一點。卻還惱你主
上不才。人生至此。堂堂國主。不能庇其一妻。猶然
在奸賊手中。求須史之命。何其無丈夫氣也。按劍
而起。與汝同歿。豈不快哉。伏后。你可手執鐵鞭。親
行箠楚。(貼)告大王。妾一裙釵女子。兩臂無力。不能
行刑。(小生)叫階下金瓜武士。借神力助他。(貼)忽生
大力鞭。(丑)小生伏后。你還罵他。(貼)謝大王。容妾慢
慢細數其罪。

山坡羊。日曛曛。宮簾乍捲。鏡圍藥。妝臺初展。髻威蕤。
鸞釵未簪。粉輕盈。新拂蛾眉。淺朱戶。喧宮娥。忽亂傳。

帶兵直入直入昭陽殿。玉碎香殘頃刻間。

我在深宮外庭事體

怎麼知道

銜冤芳魂泣。蜀鵲誰憐。湘靈斷楚弦。

想起當時光景好不痛殺人也

前腔。歎鬢鬆香雲青亂。更淋漓啼痕紅濺。走蒼茫鞋
弓褪蓮。衝搖拽肉袒花枝顫。過帝前含悲不敢言。六
官掩涕掩涕迴妝面。眼見生離結髮綠。朱顏銷來不
記年。黃泉今來始雪冤。

賊你為臣子。忍成國母叫。

二郎神。你流毒徧。多少忠良命蚤塌。誰不思為主分
憂除國難。我裙釵何用。忍將珍儼摧殘。嚇得君王心
膽寒。剛說道存亡蚤晚難留戀。枉斷送了鳳姿鸞頸。
霧鬢風鬟。

華歆賊子。你假修行義。要與管幼安齊名。一旦狼
狽。為奸相作鷹犬。手弑國母。僥倖三公。你平生名
檢安在。幼安家狗。豈肯食汝之餘。餘。小生伏
后。你也自持鐵鞭。鞭華歆。這賊子。貼鞭科。

集賢賓。你假修名行心太好。要與高士齊肩。割席分
金情已見。一朝裏富貴垂涎。把王家力剪。甘做了權

門鷹犬今日空悲怨恨切齒讐人相見

曹操你當時剪滅王室荼毒生靈戲天子如小兒辱公卿如奴隸你今日英雄那里去了丑苦今日還講甚麼英雄小生曹操你也不知道當時得志的日子短後面受苦的日子長麼丑大王我那里知道當初利比貪狼勢成騎虎也只管向前做去了早知今日悔不當初

黃鶯兒

貼

一手掌河山挾風雷指顧間誅鋤義士把

群雄剪神機鬼關難逃老奸陰謀晝夜無停笑

我那漢天

子呵。枉為萬乘之主不能庇其一妻

淚潸然睜睜兩眼看我去送紅顏

鬼卒跪科稟上大王小人聽那姑娘說起來感激十分苦楚十分忿怒容小人痛打這曹操一

場高歿無悔小生這箇使得看這人倒有些義氣華歆你為名士到也不如他卒打丑科丑哭科我曹操時不利恁般人也來欺我貼賊你掌握了天下百官受你牢籠將士出你麾下四海財帛入你府庫天下歌舞美麗歸你房下為魏王身加九錫出入建天子旌旗只不曾正皇帝的大號留下與兒子為之還要瞞當時欺後世自比周文王吾誰欺欺天乎

啄木兒人堪給天可瞞萬乘旌旗九錫壇已做了王

莽吞劉兀自比文王佐漢如花二八紅妝選如流四

海黃金輦到如今落得凄風伴冷煙

賊子你欺人說天下若無孤不知幾人稱王幾人稱帝以此為你的功勳麼我家高祖創劉力掃秦

項光武興漢亦蕩群雄並名正言順救世安民你這賊縱能剪滅諸侯不得稱王稱帝只成就得你一箇享用茶毒生靈生靈受你的茶毒與受他人茶毒一般假令他人爲之凶惡未必如你你說此話謂是有功於誰來不生伏后此言一發有理說得是

三段子

貼

你道是雄才大展罩乾坤猛可里諸侯悉

殄這的是炎精氣散歎生靈數應塗炭惡魔神獨把凶威煽刀鋒觸着無能免覩滅姓亥宗何曾眨眼

賊你平生負心太多常怕人陰害你自言能歌野葛睡中受人身後之計直設七十二疑塚開闢以來奸人未有如你這賊子者

啼鶯兒生前何人窺汝奸身後遺機尤險怕戮屍破塚伸冤七十二所難辨黑心腸都無上天也抹此間君五殿享千年誰知今日刻地受這遭

丑娘娘發了饒了我罷貼曹操你當初肯饒了那箇來賊子你銅雀臺上多收美人羅列粉黛然後尚要奏樂上食皇帝一結髮妻子也不容他白頭到老你這賊好狠也人都道今古奸凶並有惡報只曹操極惡反被他令終牖下不知你生曹丕這一箇逆子毒歿母弟不許卞氏營救你宮中妃嬪悉被丕蒸淫無一得免者當時花報不爲不慘矣曹髦之歿刃出於背自古亡國之旣未有如斯誰謂天道不分明也

御林鶯。別妻孥。赴九泉。囑銅臺。奏管弦。只指望一靈
依舊同歡宴。鄴都鐵鞭。泥犁苦煎。縱然歌舞何由見。
勿多言。生不二子。儘足報曹瞞。

〔小生〕伏后數曹操之罪也。殺了。操罪既明。着同華
歆。押赴無間地獄。伏后冤死無辜。合早生善地。只
因執對。久滯冥塗。着轉輪司。將他速轉男身。安享
富貴。請三位尊師出來。〔更諾〕〔貼〕多謝大王。女身今
喜變男形。千古沉寃。一洗青。善惡到頭終有報。皇
天上帝眼分明。〔下〕〔外〕曹操奸凶。絕天理。大聖問
斷。甚快人心。望王遣一使者。送我三人。一觀地獄。
〔小生〕快着前當人役。送三位尊師。〔鬼衆上科〕衆鬼
是東京戰卒。被定興。土計給枉殺。特來訴寃。定興
現在。望大王勘問施行。〔更〕稟上大王。木清泰既被

訴寃。法當拏下。〔小生〕拿了。〔衆就座上拏生去巾幘
疏科〕〔小生〕木清泰。既被衆鬼訴寃。未知虛實。着判
官照業鏡。併取直日功曹報帖。查明回覆。〔判官持
帖上〕稟大王。據直日功曹報。主德二載。郭子儀等
收復東京。木清泰將所部軍。斬又慶緒兵一千五
百。今訴寃衆鬼。悉是陣中合戰。斬戮。與業鏡照出
相同。並非枉殺。〔小生〕這衆鬼不知逆順。爲叛賊力
戰。被誅。今又妄訴不實。着各打鐵鞭。〔百押入刀
山地獄。木清泰無罪。以禮相待。仍給衣巾。〕〔生謝
大王。〕〔外未生〕我等三人暫別。〔小生〕請了。並〔下〕
第三十三齣 遍遊地獄

〔外未生同上〕諸惡從心生。竟亦從心滅。緣境俱欲
空。因緣少。〔發〕使者你把輕重地獄。一一指點我
們一看。〔使者指科〕這是八寒地獄。這是八熱地獄。這是號
叫地獄。這是刀山地獄。這是劍樹地獄。這是火車地獄。這

是鑊湯地獄。這是沸屎地獄。這是銅柱地獄。這是鐵機地獄。這是鐵丸地獄。這是尖石地獄。這是飲銅地獄。這是炭坑地獄。這是黑砂地獄。這是釘身地獄。這是火井石曰地獄。這是黑暗地獄。這是拔舌地獄。這是遊增地獄。這是鬲子地獄。這是灰河地獄。這是阿鼻地獄。這是假地獄。佛說經上不曾有假地獄之名。使祖師這是我大王近日新創的獄名。只因近日士大夫迷真逐假。矯飾欺人。一切道學氣節詩文仙佛。往往多是作假的。我大王惡之。故新創是獄。以處此輩。外我知道這是使者惡此輩。贗物故設是語。大王不創新獄。使實不相瞞。此是大叫喚地獄。分出的小喚地獄。弟子戲言耳。但作偽諸公。相應另有小獄。外哀哉。此輩衆生。都是佛子。只因迷卻本性。廣起無明。故墮此趣。要脫苦趣。須滅罪根。要滅罪根。須知懺法。懺分事理。不外一心。事懺者。朝夕禮拜。祈求不敢再犯。理

懺者。端居而念實相。非業性空。懺悔精勤。罪根自滅。罪根既滅。福慧自生。豈止永于苦趣。便可修證乎。道果未生。拜謝科。多謝大師指教。並下。

第三十四齣 冥司斷案

小生上。苦填不滿火坑。屢償難了冤債。安得三輪盡空。化作蓮花世界。自家閻羅天子。日夜為衆生造業。勘磨公案。判斷罪獄。不得安閒。世人造業。不論廣衆大庭。暗室屋漏。不論施為行事。動念舉心。這裏幽隱。悉知毫髮畢照。人都道是照。以業鏡。燭以火珠。查考功曹。對驗文簿。如此而已。不知我自家神光。悉能照見。今日有許多罪囚。不免查問。一查判官吏。卒何在。判官吏。卒上。稟上大王。第一起清河張媽兒。謀殺親夫。夏瑄事。問媽媽辯稟上大王。丈夫其實病故的。如何冤枉奴家。夫辯。稟上

人與姦夫黃振合謀。以索絞小人至死。（小生）令取業鏡來照。（照科）吏稟上大王。業鏡照出。張媽兒與黃振通情。醉其夫以酒。二人合謀。用繩索絞。或夏璜是實。（小生）是了。將重犯各用扭肘。押入地獄。吏稟大王。第二起。絳州參軍范博平。將妻金氏。推溺淮河。身歿事。（小生）問金氏。答曰。大王。妾農家之女。委果出身。微賤。范博平布衣時。娶妾為妻。貧窮相倚。妾紡織裁縫。資夫學業。清秋寒夜。妻織夫讀。相共一燈。後博平得官。身榮心變。嫌妾寒微。醜陋。豈堪為士大夫之妻。韓平章有女。許嫁博平。載妾行至淮河。誘妾乘夜開窓。玩月。從後堆墮。溺死。竟贅平章之家。（范）大王。金氏其實登嬸。五月。偶誤失足。墮水。博平頗讀書。知大義。豈敢作此負心事。（小生）也罷。叫鬼卒。火速去召淮河水神來問。卒諾下。（吏）稟大王。第三起。太原王延叟。告人謀子占產事。（小生）問王延叟。答曰。稟上大。小人王延叟家富子幼。以

家產託友人陳神愿。家僕臧義兒。兩人謀歿兒子。盡占家財。產業盡空。宗祀遂絕。負義不仁。莫大于是。（陳）此皆臧義兒做的事。小人頗知其謀。屢屢戒止。反辱罵小人。不仁不義之輩。小人其實不曾同謀。（臧）大王都是陳神愿造謀。小人區區一箇家奴。怎做得逆天大事。（小生）這也不難。令兩人以手自摸其心。負心者手黑。不負者手白。（卒）令兩人摸心。（卒）稟上大。王。陳神愿的手白。臧義兒的手黑。（小生）判官把這廝着實用刑一番。押入地獄。判諾押下。（卒）帶淮水神上。（神）淮河水神叩見大王。（小生）絳州參軍范博平。妻金氏。溺歿淮水。你知道麼。（神）小神知道。大王聽稟。范氏博平貧士。金家女子寒微。少小娶為結髮。夫妻頗號齊眉。伉儷紅顏。相得誓期。白首同歸。多少青燈夜雨。共捱淡飯黃齏。不是夫君薄倖。爭奈勢異時移。小家兒女可厭。相國婚姻。

又催撒此荆釵裙布。戀他翠繞珠圍。名士尚慕富貴。賢相亦棄屐屐。給此登艦逞望。因而舉手輕推。不是嫦娥尋伴。還因河伯娶妻。菰葉雲沉黑米。蓮房波冷紅衣。一曲湘靈寫怨。十年精衛含悲。大玉要知此事。君其問諸水湄。小生我知道了。准神就此請回。神諾。小生將范溥平押入重大地獄裏去。吏稟大王。第四起散騎常侍孟彖。謗司農卿蕭黃流。交通逆賊。事五稟上大王。蕭黃流其實交通史思明。不是小官造謗。小生胡說。這件事也不照業鏡。也不問功曹。只以我神光照你。你那一日。欲造謗謀害蕭黃流。上之關真君。關真君報汝大凶籤。你尚不肯止。再求再卜。神力大怒。筒裂籤飛。這是有有的麼。丑驚大王。這是有有的。小生你回到密室。閉門造謗。婢女送茶到門。聞你凶謀。想恐事洩。手刃此婢。這是有有的麼。丑驚大王。這是有有的。小生你造言謗蕭黃流。交通史思明。謀逆說蕭黃流曾在

客坐上。說史思明也。走一負良將。朝廷不能驅使。以致猖獗。卽此言語。扭捏成謗書。這是有有的麼。丑驚大王。這是有有的。情罪已露。神鑒無私。罪人不敢再置一辯。小生孟彖韋造此彌天大謗。致蕭黃流身歿家破。骨肉離此。着判官押去。先拔讒人之舌。然後送入地獄。吏稟大王。衆生多犯姪慾。共若干起。求大王判斷。小生此輩爲慾火所煎。可入湯火。及八熱等地獄。吏稟大王。衆生多犯殺生。共若干起。小生此輩合入刀山劍樹等地獄。吏稟大王。衆生多犯慳貪。謀奪強占。瘠人肥己。毫厘不捨。共若干起。小生此輩貪習生水。結水爲冰。合入寒水吒。吒波波羅羅等地獄。吏稟大王。衆生多犯驕慢。輕陵不敬。天地三光。褻瀆聖賢。欺侮尊長。師友。共若干起。小生此輩驕逸馳流。奔騰放縱。合入血河。河焚沙毒。海融銅灌。吞等地獄。吏稟大王。衆生多犯嗔怒。至於相殺相讐。冤對無已。共若干起。小生

天會集

衆生多犯奸詐欺誑世

刀身

天

地

塵

人精神幽暗。心志飛揚。宜入地獄。屎尿等罪。共若干起。小生此等矯枉壓人。誣

舌

入拔舌犁耕合山合石碾磑春磨等地獄。稟大王。衆生多犯五逆十惡。及謗經毀佛等。共若干起。小生此輩名為極惡大罪。宜入阿鼻地獄。直

待劫終。乃得出獄。其謗經毀佛者。此劫雖壞。復寄

在他方地獄。永無出期。卒押下科。小生判斷公事

已完。請三位尊師相見。卒請科。外未生上。外三途

耿耿苦無邊。未長夜漫漫幾時曉。生閻王努目折

萬靈。合菩薩低眉悲六道。小生公事在身。失陪三

位尊師。有罪了。外大王鑒觀有赫。公無私。可敬

可服。小生

所尊普度

千聖證道。俱發大弘普願。衆生普度

第三十五齣

普度群生

不盡。誓不自證菩提。爭奈罪業難盡。地獄不空。佛亦無如之何也。貧僧回至西天。當稟過如來。大轉

法輪。使地獄衆生。小蘇苦報。就此奉別大王。小生不敢久留杖錫。容弟子奉送。地府冥冥無日月。尼

珠何幸照迷途。外未生願移大地為金界。便攪長河盡酪酥。並下

外未生同上。外陰府遊遍。風景可悲。初學之人。永當念此。已別大王。我三人不免回閻浮世界去罷。

苦海茫茫不盡流。慈航只在一回頭。聖賢元是凡夫做。爭奈凡夫不肯修。同行科

懶畫眉

外

冥冥地府遍經過。晝夜衆生苦折磨。愚帆

疑網自張羅。欲將盡置蓮花座。爭奈迷情不了何。

醜女上昔為人所愛。今為人所憎。人憎與人愛。顏色總無憑。好苦好苦。伏望聖師救度。外汝是何人。女奴家越家西施。外西施天下絕美女子。怎麼是這樣醜的。女師父。這皮囊原是假的。閻羅恠我妖媚。惑亂吳王。以致亡國。故罰作醜女。羞我。實無顏見人。外你的業障。全在美貌。今日衰醜。人不愛你。你安能惑人。業障去了。可喜。女多謝聖師指教。下

前腔 末 刀山劍樹與灰河。羅刹阿房來往多。悲心不

忍再經過。凡夫好把無明破。回首六堂只刹那。

老病人扶杖上。一息不來。嗚英雄。立枯稿。哀哉。強弩末。不能穿魯縞。好苦好苦。伏望聖師救度。外汝是何人。老弟子西楚霸王項羽。是也。外恠哉恠哉。項羽拔山舉鼎。如何。這等羸弱。老生前拔山舉鼎。

氣力。只爭猴籠裏。一氣身。一線不來。蓬草也。舉不得了。閻王惡我雄壯。殺人太多。故罰做一箇最底羸老兒。在地府裡做箇榜樣。如今一步兒也離拄杖不得。好苦。外只怕你離拄杖。又作偌大的罪業。老師父說得妙。知道了。弟子拜謝。下

前腔 生 茫茫苦海萬層波。多為生前墮愛河。蒙師指

我退群魔。假饒不蚤離韉鎖。難免無常此處過。

二乞人上。業重難辭苦。金多不鑄身。黃泉無富室。何處去求人。好苦好苦。伏望聖師救度。外你兩人是誰。丹弟子是范丹。崇弟子是石崇。外范丹先生。我知道。你是貧士。行乞是該得的。石崇你極富之人。何故也做此營生。崇苦科。不瞞老師父說。家中儘有。此處帶不將來。外大七人若趣多起。慳貪勸

你再轉陽世時。慈悲喜捨。力行六度檀波。牢記吾言。崇謝多謝大師指教。下

醉羅歌

外

美好美好能為禱。老醜老醜不招魔。歎西

施綽約似僊娥。傅粉薰香坐。朱顏綠鬢堆鴉。擁螺耶

溪笠澤。殘陽逝波。一堆膿血紅羅裹。釵鏽蝕骨。嶢峨

吳王泉下可知麼。

前腔

末

啞啞啞諸侯奪。叱咤叱咤萬夫挫。倚英雄

赤手割山河。自取彭城坐。青絲匣匣黃金巨羅。健兒

送酒。虞姬進歌。一朝軍改為逃虜。豪氣盡壯心磨。拔

山舉鼎尚能麼

前腔

生

史雲史雲貧無那。季倫季倫富敵國。奈皇天

分得不均何。司命權應錯。山莊水碓田園占多。香塵

步障。王侯怎過悲來身。死家仍破。容瘦損鬢摩。準黃

金去也再來麼。

下同

第三十六齣

衆生業報

丑扮楊再思叩頭上自家唐朝楊再思是也。閻羅

天子惡我生平為人誦佞。罰我做箇叩頭虫。逢人

便叩。內叫叩頭虫是會說話的。楊你們不知道大

凡衆生有聲的。都是說話。人自不省。你們不省得

福建人鄉談。難道不是言話。祝欽明跳上自家唐朝祝欽明是也。閻王惡我輕跳。罰我做箇疋蚤。到也快活。虱行十步。不如我一跳。內叫任你會跳也。終日不出人禪襠裏。祝你不曉得。那孫行者神通。一箇筋斗。打八萬四千里。也終日不出觀世音手掌中。李林甫上自家李林甫是也。只為生前心腸太毒。被閻王罰作大毒鱗蛇。別樣也罷。只是餓得荒。內叫林甫。你自知太毒。何不改變了心腸。李咳這是我舊業障。自古道無毒不丈夫。伯齋上自家吳國伯齋是也。只因生前專一讒謗忠良。陷害伍子胥。被罰做箇杜鵑鳥兒。口中終日流血。內叫你那口血。幾時流得乾。齋幾時倚乾。這也是一千年來。流不盡的英雄血。張昌宗上自家張昌宗是也。只因生前無行。姪穢官禁。被罰做箇糞蛆。這糞也覺好生香美。內叫糞是爛臭之物。如何倒說香美。齋這是我宿業所占。你今日移我在沉檀麝腦

中。教我好不自在哩。元載上自家唐朝元載是也。一生貪婪。酷好積聚財利。迷心不顧。後患被罰作箇撲燈蛾兒。狠灰向前。不到焦頭爛額。也決不肯止。王戎上自家晉朝王戎是也。一生貪恠。不捨一箇錢兒。只一箇李子。也鑽了核。元與人。被罰做箇娘。終日抱着箇糞團兒。抵灰也不肯放哩。宋之問上自家唐朝文士宋之問是也。一生文采。只是性行不端。躁進勢利。做了明河篇詩兒。妄想非分。閻王愛我文采。惡我無行。被罰做箇鸚哥鳥兒。毛羽儘好。說話儘佻。只不離了區。毛司馬懿上自家晉朝司馬懿是也。平生為人奸險幽暗。深藏不測。被罰做箇癩黑蟆。終日只躲。在泥坑裏。看上氣悶。曹丕上。自家曹丕是也。生前憑藉父親威害盡骨肉。殺盡好漢。姪盡美色。一生享用富貴。滔天閻王道。我也忒受用。忒凶狠。過度了。被罰做一箇水牯牛。一生耕田拖犁。負重疋遠。好生辛苦。臨了也

還要償人一刀。好苦好苦。惡列位請了。我們皆因宿罪。墮在苦趣。衆生聞西天祖師來遊地府。都要去相見。求他度脫。大家追到這里。怎的不見。借問路上人。西天祖師那里去了。內應祖師回。陽界去了也。楊苦我輩俱無緣。不得一見聖僧。奈何奈何。雖然苦惱。我們苦中作樂。大家唱箇曲兒回去罷。

降黃龍

衆

一辭人世黃泉路上少親知。形骸離我業

識相隨。白玉黃金將不得。兒啼子哭也爲誰。四時麥飯枉傳盃。一堆荒土空標紙。壘嘉城。只爲狐狸造室。疊羅綺。單替螻蟻裁衣。

油葫蘆。泉路茫茫鎮慘悽。何曾分晝夜。那里辨東西。從前作過自知虧。平生冤債都來至。怎能逃。光明業鏡臺。怎出得檢校功曹吏。只道是磨燒千樣形骸毀。卻怎知黑風一陣又吹回。

天下樂造業身軀。只一堆難當衆罪歸。質對分明事。怎推銅搥兒。只亂搥。鐵鞭兒。只亂揮。唬得人魄散魂飛。

上馬嬌。誰知道各衆生。都會言。肉團兒。也有知。一靈與我不差池。又乘着業力爲冤對。謀性命。取家貲。殘

骨肉。啗膏脂。心棘刺。口戈安。廣造無明。一味貪癡。到此方知悔是遲。任阿房。又入泥犁。

寄生草受苦無。平息號聲不住嘶。劍和刀。當做衣穿。體魄和骸。一似糴春碓。水和漿。那得克饑餒。更可憐。形麓七尺廣由旬。又可奈日長一夜如年歲。

後庭花想當初。只憑着奔見識。又倚着粗血氣。爭名利。直做千年計。道光陰。相延萬歲期。綺羅堆。田宅美。官高身貴。眼前花。且受些。身後事。不須提。說天堂。你

好癡。論地獄。在那里。毀如來。絕影迹。撥因果。沒巴脣。

青歌兒

呀

誰想道善與惡。有人有人密計。因與果。到

頭到頭難避。無漏無差毫與厘。脫得泥犁。掙得輪迴。面目雖殊。業趣還隨。披毛帶角。總堪悲。下場頭。看我輩。

尾聲。叩頭蟲體疲。毒鱗蛇腹餒。跳蚤兒。幾時出得人。裊襠內。蛆蟲兒。怎當惡滋味。黑蟻兒。受用些土氣息。燈蛾兒。戀火坑。螻蛄兒。把糞丸兒。當做了寶貝。水牯牛。

拖犁負重無休息。只有鸚哥兒毛羽美。杜鵑兒說曾
為蜀望帝。可也沒箇憑據。勸世人及早回頭策厲。莫
待失了人身呵。那里去還尋你。並下

第三十七齣

郭暖

末扮木靴

小生扮

梁州令

旦

春光不改舊門牆。為何事淒涼。

貼

小遊仙

人去冷華堂。塵掩鏡妝褪粉被銷香。

旦一從仙子去天涯。何處蓬萊是爾家。白日有人
乘野鶴。青天無路入桃花。二姬自從老爺去後。音
信杳然。只不知他尋仙訪道。東洋蓬萊。又不知他
禮佛參禪。西遊天竺。小生久在菴中。好生放心不

下。聞得都城宜春門外大悲禪寺。觀音菩薩。屢著
肝蠻。籤詩極靈。我和你三人坐綠輿。往彼隨喜。問
一靈籤。求箇消息。老爺至心訪道。當為大士悲憐。
必有感應。你去叫老蒼頭。帶幾箇家僮。隨從
一行。你二人意下如何。貼小旦。太夫人此行。一則
頂禮名山。大士。一則叩問老爺信音。有何不可。二
妾願從。喚末。帶從人上。貼小旦。院公。太夫人要到
宜春門外。大悲寺求靈籤。問老爺消息。你們可隨
行。衆應旦貼
小旦升車行

黃鶯兒

旦

出郭探春陽。帶青樓紫陌長。晴空日暖游

絲颺。林花荐香。山鶯奏簧。鞦韆架出垂楊上。柔傾筐。
城南少婦。羅袂拂柔柔。

前腔

旦貼小

士女競尋芳。卻教儂魂暗傷。笙歌猶記前

春賞。衣飄綉襜。驕垂紫韁。如今轉眼成惆悵。別檀郎。

名花無主。寂莫度年光。

末稟太夫人。來到此處。已是大悲寺前了。請進拈

香。尼僧出迎科。大悲寺尼僧迎接太夫人。尼引旦

入拈香拜科。貼

小旦以次拜介。

前腔

旦

夫婿定與王。剪凶妖。立廟邱。功勳圖書麒麟

像。風波飽嘗。煙霞與長。一朝道服飄然往。去何鄉。願

求寶炬。好為照迷方。

前腔

旦貼小

遠望玉宇。禮慈容。拈戒香。良人汗漫遊

禽尚。何曾裹糧。蕭條布裳。不知西尋天竺。東蓬閣。水

雲鄉。渺茫難覓。因此上叩雲堂。

旦求籤科。詩云。由來仙佛是天生。有志須教事竟

成。莫道優曇難得見。學人功到自圓明。原來得此

籤。號為上上。尼姑。你曉得優曇是何物。尼稟太夫

人。優曇花。產西方佛國。佛經上說道。優曇花。難見

面。旦奇哉奇哉。原來優曇就是曇花。倩香凌波。如

來分明說出我家事情。如來果靈。老爺求道可望

矣。不免謝了如來。同回去罷。拜謝科。旦郭賈二姬

今日春日甚好。我和你二人。且不要升輿步行一

程。散悶回去。貼小旦太

夫人。如此卻好。步行科。

山坡羊旦 煖醺醺。春光如釀碧。溶溶波紋微漾。薰裙邊。鋪裊草纖。襯弓彎。堤路平如掌。暎綺疏。朱樓大道。房汀洲新綠。新綠。薜蘿長。何處王孫。天涯惆悵。洋洋。河魴泳水鄉。雙雙鴛鴦過野塘。

前腔

旦貼小

峭層層。山圍青障。細茸茸。麥翻翠浪。試單

衫。遊人漸多。載芳樽。車騎紛來往。怕相逢。將身柳外。藏新妝。無復。無復。當時樣。仙履雲鑲。道衣霞斲。思量。花源隔阮郎。淒涼。佳時負盃陽。同下科

小生騎馬帶隨從上山。郭問遊驂。青驄映紫衫。垂楊人似蟻。春色在城南。自家汾陽公子。郭暖是也。今日春色甚佳。城南遊覽。你看林花似綉。車騎如雲。真箇好个景也。

步步嬌。紫陌青驄。駟輪鞅。處處亭亭。敞平蕪。錦翼翔。日射花光。香滿春衫上。便欲解。嘶璫。隔簾一派笙歌響。

呀。遠遠望見一隊女郎。行春來也。旦貼小旦上。小生偷覷科。

前腔

旦貼小旦

南陌盈盈。聊遊賞。徐步還疑望。空門守歲

長夜漏琉璃。何限離人况。春日小徜徉。月痕依舊梅

花帳下

小生誰家女子。國色天姿。如西施耶。溪出浣。日照新妝。羅敷南陌採桑。風飄素袖。不由人不目送也。

五更轉浣溪沙。西施樣似羅敷。出採桑。又是這等雅素道裝呵。

瑤臺仙子。仙子幢幡降。靡無惹恨長。芍藥難懷想。漢

渚人解珮誰承望。為雲為雨。為雨高唐上。去覓夢裏

襄王。爭得明珠入掌。下

江兒水旦貼小郭外人如蟻輪蹄直恁忙。琳宮半插

青霄上。城隅斜刺丹霞傍。杏花微拂青帘颺。無數隱

囊步履。喚客當壚。妝點春郊景象。

園林好想夫君。雕鞍繡裳侍姬們。羅裙錦襪。正此日

牙旗列仗。追往事嘆滄桑。追往事嘆滄桑。

小生上 觀科 旦貼小旦下

玉交枝小生雲冠鶴氅。是天人偶來下方。雙成萼綠雲

中降。影踰躑。並侍西王。不將脂粉污澹妝。天然丰韻

非凡相。更羨他容端貌莊。更敬他人柔意良。

侍兒輩。這分明是董雙成萼綠華。隨侍西王母降。下凡世也。衆公子休癡。這恩是大冢宅眷。有綠輿

從人俱在後面小生侍兒們想我家不少三千粉黛八百嬌娥那里有這二位女郎丰韵定應天上仙姬豈是塵中豔質衆公子俺們府中豈少此二人久居華屋轉羨茆菴饜飫珍羞反思青菜文字是自己的強美色是他人的勝此亦人情耳請公子尊重

玉胞肚

生小玉瑀翠帳大家兒如何素救細看他道骨

仙姿時露此豔態嬌麗吾心暗想府中粉黛列成行

那得花間二女郎

下

玉山頽

旦貼小

天青日朗看朱戶花陰過墻踏青苔

軟印鞋跟落紅多薰染衣香城隅薄暮轉鬧馬蹄車

鞅歸路橫塘上綠微茫水晴沙煖暎垂楊

三學士西指香臺久相傍羞言南國明璫齋心蓮土

參開士何意桑園遇貴郎好去雲房仍下鎖雲封戶

月在廊

小生又上撞遇科旦怒叫左右前面是誰家蕩子敢行無禮只管往來偷覷唐突王侯宅眷着人查來左右看後面車馬我們待升輿回去者升輿科末問介前面誰家蕩子敢行無禮只管偷覷唐突王侯宅眷郭使咄我們是汾陽王郭老爺公子郊外行春到此你們甚等樣人家敢來查問末我們是定與王木太夫人同二位侍姬往大悲寺燒香回來郭使稟知小生作羞尾科咳不好了那里曉

得是木府通家伯母。唐突了。父親知道。何以爲人。不免向前告罪。與前疏科。小姪郭暖。是汾陽王長子。偶在西郊醉酒。疎狂。不知是通家伯母車從。唐突尊嚴。罪該萬死。望伯母太夫人。亮其無知。寬宥。旦在輿中。答爲貴家子弟。不應如此疎狂。既是郭公子。失于不知。此亦無妨。請回罷。小生伯父辭榮入道。世仰高風。伯母亦掃室清修。古今罕有家尊正。要上本表揚令德。且推轂世兄。小姪喜得在此處。邂逅伯母軒車。便當回去。稟知家君。速入朝上。疏了。旦這也不勞。公子請回。蓮花幾載比丘身。偶訪名山叩淨因。寄語王孫休任馬。提筐不是採桑人。下小生我郭暖。也是箇老成人。從來不曾放蕩。偶然學看女子。看出禍來了。怎麼好。

解三醒 春郊偶來遊賞。道邂逅僊姝路傍。一時間

心招日挑神魂蕩。做來桑濮行藏。誰知道通家一老堂。携着雙姬叩法王。羞難向。羞難向。只恭身屈體露罪娘行。

衆公子。豈不聞夫婦行陌上者。夫挑人婦。人亦挑其妻。願公子以此爲戒。

川撥棹 小生 休閒想。莫輕彈陌上桑。况蓮心已守在空房。况蓮心已守在空房。斷巫雲。何知楚襄。羨僊卿。道未量恨。凡夫慾未降。恨凡夫慾未降。

人月圓 想寂寞空門歲月長。一盞寒燈一炷香。虧煞

他夜雨秋霜。虧煞他夜雨秋霜。鐘罷經殘漏未央。况
良人去渺茫。斷音塵雲水鄉。

僥僥合莫登青雀舫。好繫紫騮韉。怎做大道青樓喬
劣相。少年行沒下場。少年行沒下場。

尾聲望吾家。烏衣朱桁。不少金釵紅粉妝。且回去鸞

鏡奏響。燭炬生光。

下

第三十八齣

陰府凡情

小丑扮北幽太子

（小丑上）寶馬銀鞍南陌頭。誰家少婦踏青遊。鉏釵
避道垂楊下。惱亂春風不自由。自家北幽太子是

也。姿容秀異。性格風流。昨日帶騎從。在長安宜春
門外閒遊。陌上遇兩箇女子。一箇名郭倩香。一箇
名賈凌波。乃定興王木清泰侍姬。國色天姿。不數
石家之宋禕。歌喉舞態。絕勝漢武之麗娟。令小子
一見動情。神魂飄蕩。聞得木公云遊在外。二姬廝
守空房。不免教一女使。假充作昨日相遇公子郭
暖家婢。徑到他菴中。說合二姬。心動見許。便當迎
娶。恐他不從。隨差鬼使。將二人神鬼纏倒。不怕不
從。又聞那木夫人。以家事暫離菴中。正好行事。女
使胡媚兒。那里胡上。後官多粉黛。惟有妾專房。此
鄉真可老。何事別思量。太子呼喚奴家何幹。（小丑
不瞞你說。我昨日在南郊遊春。見兩箇女子。一箇
名郭倩香。一箇名賈凌波。乃定興王木公侍妾。天
然國色。人世罕有。聞得木公雲遊在外。二姬廝守
空房。差你假充作汾陽郭公子家使女。徑到他菴
中。說合道郭公子。昨日南郊相遇。渴慕芳姿。欲娶

二位為次夫人。你可盛道。郭公子家富貴。令他心動見許。我便當迎娶。胡太子貴妃利害。况妾又是專房。眼中儘教寄情。何故又生別念。我不去。小丑胡說。看你嘴臉。說此話。好不知羞。胡也儘去得。小丑你不去時。發在重囚獄中。胡我去。我去。南陌佳人。色豔。北幽王子情濃。蜂媒蝶使。入花叢。只恐花心難動。下小丑鬼使何在。鬼使二人上。太子有何分付。小丑你二人可隨胡媚兒。後到木府。菴中將郭賈二姬。神魂纏倒。我隨後到也。鬼理會得。下小丑夜雨青燈。映綠蕉。可憐人度。可憐宵。同來陰府。供歌舞。絕勝空房。守寂寥。下

第三十九齣

窺園遶難

唐多令

貼

春色滿名園。千花齊鬪妍。

小旦

偷開好去

倚雕欄。枝上幽禽何限。

合

人不到。景悠然。

貼經年一室對禪樓。門外春光總不知。小旦聞道堦前紅葉長。芳園元只隔簾兒。郭姐姐。昨日我們同夫人郊外回來。頗覺春遊亦多。只是被那輕薄公子。唐突一場。這也不在話下。我二人同夫人在菴中三年。春去秋來。花園只在門兒外。並不曾出去。一玩。昨晚公子迎夫人。覷過舊宅。我二人自家在此園中。花事正盛。同出門去。一看如何。貼略到園中。一看。就回不妨。同行鎖門科。貼賈妹子。你看園中芳樹交加。名花爛熳。人跡不到。幽鳥自啼。想桃源僻處。不過如此。小旦姐姐。真箇好幽閒景致。

石榴花

貼

偷移蓮步。片餉看名園。風日好。百花妍。青

苔紅藥。媚雕欄。暗垂楊。橫過樓前。含風嫩。煙境全幽。

盡日無人見。泛胡麻。難入漁郎。隱仙姝。絕勝桃源。

前腔旦相携女伴。消遣豔陽天。剛數步。即家園。花紅

水綠。映澄鮮。聽幽禽。芳樹間關。啼聲可憐。看蘼蕪。暮

動王孫怨。蝶蜂兒。自領春風。送年光。誰伴韶顏。

胡媚兒上朱門寂寂鎖嬋娟。春色綠何到此間。為認桃香因得路。止循源水卻逢仙。二位娘子萬福。
貼小旦驚科侯門如海。人迹罕到。汝是何人。輒得至此。胡妾身唐突知罪了。適纔元貴府花園門開。大膽直入。不想有幸得遇仙。貼小旦汝是誰家宅眷。為何到此。胡實不相識。賤妾是汾陽王府中一箇女婢。昨日公子郭暖。偶出南郊遊春。得邂逅二位娘子。國色天姿。竊思思想了一夜。俺公子說

亦老爺雲遊不返。二位娘子寂寞空房。自青春有幾。俺公子願以明珠一斛。聘娶二位娘子。二位娘子是知道的。俺汾陽王府。權可傾朝。富堪敵國。豪華絕世。受用非輕。伏望娘子慨許。貼小旦公子之言。差了。俺老爺暫去雲遊。焉知終身不返。你公子通家子弟。安可輕萌此心。况郭府粉黛盈房。豈少我二人之容色。我二人洗妝入道。怎遂賤妾載之初心。就請抽身。勿勞饒舌。胡二位娘子聽一言。

泣顏回南陌遇神仙。使王孫。意惹情牽。舞裙歌扇。忍

淒涼。斷送芳年。金釵翠鈿。論豪家富貴。誰不羨。莫空

辜秋月春花。好追歡。暮管朝絃。

前腔旦貼小羅敷守志在郊園使君有婦休問桑間紅

銷翠減卸鉛華寂莫枯禪空門種蓮肯當歌又逐桃

花扇况豪家不少紅妝又何須老去朱顏

胡我實對你說。那里是郭府。是北幽大王太子。昨日見了二位姿色。要娶你們。少刻鬼兵就到。不怕

你不從。貼小旦原來是妖鬼。我們仰仗三寶之力。那里怕你。鬼卒二人上。陰氣衝倒貼小旦科。鬼卒

下。胡扶回至菴中。胡下。貼小旦來到花園。不想是妖鬼。我兩人。不覺身體昏沉。如此是好。且入臥房

睡去。待夫人來。再作區區。偶然園裏看花。自信花心不動。謾說妖由人興。可是神衰鬼弄。同下。

第四十齣 禮佛求禳

似娘兒旦上只合守空菴。怎教他私出房奩無端鬼病

誰招攬問因何得此蓮心未淨。柳性豈拉

我昨日以家中急務。被孩兒迎過舊宅。住了一時。不想郭賈二姬。私到花園玩賞。惹成一病。說有鬼

恠相侵。神魂不定。怎生是好。已着小鬟去請孩兒龍駒。想必就到。男子來時。病或者就好。

遠地遊小生上朱扉常掩皓月清池湛恠玉人何事慊

慊

相見介。旦孩兒。昨日我躉過家。郭賈二姬。花園中閒玩。驀地染成一病。說見鬼物相侵。我思三寶

門中安得有此。同去一看。他病果是如何。一小鬟扶貼小旦上。

前腔清閨夢魘。曉黛愁蛾。歛漸香肌瘦。損腰纖。

旦二姬你昨日到花園間玩。怎的忽染此症。快說一箇緣由。貼小旦昨我二人因太夫人不在。不合私到花園間玩。一回只見一箇女使。忽從外入。問從何來。說是郭暖公子差來的。因南郊一見。驀然起意。要娶我二人。峻辭正色以卻之。此婢忽變容顏。云那里是甚麼郭府。乃止幽大王太子。昨在南郊撞遇。要娶你二人。頃刻鬼兵且至。不怕你不從。說猶未了。只見兩箇鬼卒。藍面獠牙。徑衝至面前。我兩人忽然昏暈倒地。又是此婢扶我二人回至轎中。都不見了。因此得病。旦是也。妖惟敢無狀如此。小生木龍駒是箇剛猛義烈男子。豈容妖物橫行。俟其再來。當仗劍斬之。鬼忽作人語。不見形。木小侯。知你是箇好漢。但我輩神通變化。出有入無。汝雖有劍。安能斬我。小生妖物汝既能言。何不速

現法形。與我相持。厮鬪。分箇勝負。取壁上劍科。鬼君神力義勇。不減尊公。如何敢與你格鬪。你只無奈我何。旦這是三寶淨地。有天神護法。汝輩何得至此。鬼佛是大慈悲聖人。有則克滌沙界。無則對面不逢。菴中此時不見有佛。故以輩得。以至此。可速送此二姬。與俺王子成親。免受搔擾。旦如來不臨。伽藍不護。想是弟子修行。尚少精虔。待我焚香頂禮。懇求如來。則箇焚香禮拜科。

金索挂梧桐。毫眉染鬱藍。海目揚清紺。文六金身烈。

火雙肩焰。焚香辦至誠。叩莊嚴。二女窺園乍捲簾。忽

驚一病成消減。道有妖神向此。撰真寃濫。風情月思

幾曾諳。魂夢都慊。言語都謔。仰望龍天鑒。

前腔小生拜科金仙任寶龕。那妖邪敢肆神姦。欺侮

裙釵辱。梁間下藻廉。語喃喃屈辱不堪。因此

上投誠三寶來修懺。他說北府幽都太子銜。真靈驗。

公然白晝現香奩。頂禮瞿曇。稽首伽藍。願借降魔劍。

前腔貼小旦春光只隔簷。夜月慵窺檻。是不合潛行。絲

履西園站。雕牀強自扶。暗羞慙。剗地妖來病轉添。花

容憔悴愁難鑑。體不勝衣髻未簪。身如活。風流擔子

那曾懸。紅粉寧殲。黃土寧淹。定不把清名玷。

旦二姬。你們運偶。真料得邪魔終不能為害。我與公子叩求三寶必有冥佑。你且養病則箇。

養病則箇。

東甌令休自憾。莫生嫌。一點虔心佛可參。天神必定

相憐念。豈墮妖坑。塹韋馱玉杵手中拈。會見鬼形潛

前腔小生慙勇敢。愧兒男。三尺龍泉空自銛。欲提將魔

子頭顱。砍罪孽應須勘。天兵得請下塵凡。妖黨一時

芟並下

第四十一齣 真君驅邪 外扮許旌陽真君

高陽臺引

外帶將吏金童玉女上

奉道明王。授書謚姆。淨明忠

孝為則。縮授旌陽符錄神丹。施德救災。邨苦蘇黔首。

漸三千八百崇積。斬蛟螭。手握青蛇。大江波赤。

前腔。叨蒙上帝金冊。拜高剛太史。上清僊客。碧落遙

空。紅霞暮雨千尺。石函遺記游帷觀。識地僊龍沙生

塞。喜功成。龍車鳳輦。一門拔宅。

神人授訣鍊丹砂。濟世功圓。躡彩雲。千載栢枝能拂地。萬年鐵樹不開花。九江秋冷。妖蛟哭。三楚天清。劍氣賒。但願時人修大道。他年定許會龍沙。自家控陽許真君是也。爭明忠孝。大道本於人倫。救

病除妖。功行先於拯物。故得出神飛形。騰鸞鶴于

天上。升真拔宅。鳴鶴犬于雲中。絳闕神霄。班高仙

長。金書玉冊。位證真君。定興王木清泰宿世上根。

今勤修鍊。其妻衛氏。勵志雙修。感化二姬。亦誓同

苦行。前日從大悲寺回家。道遇北幽大王之子。少

年無度。遂起邪謀。欲以勢力強娶二姬為妾。衛氏

子母虔禱如來。觀音大士。勅吾拔救。北幽大王性

行公平。宜勞冥府。子雖不肖。太上有議功議貴之

典。北幽之功。所謂以十世宥者。未可輕行誅戮。只宜嚴示訓懲。王子地尊勢重。難以遣人。小聖親往。一問其罪。不免扮做一法官道士。徑往木家。呼吸之間。便可到彼。將吏侍者。整且散去。眾應下。外叩門。小生上。何人叩菴門。原來是一位道者。從何處來。外貧道從豫章來。小生有勞高人遠顧。何以見教。外貧道聞貴府有二位娘子。被邪魔侵害。貧道頗有法力。能制此魔。故此遠來。小生寒家果有此

事多謝法師光降。小丑領衆上。親迎神女到陽臺。鳥帽緋衣雲錦裁。不是黃姑先駕鵲。帝孫爭肯渡河來。自家北幽王子。聘娶木家二姬。推調不允。只得親到奉迎。不怕他不去。呀。來到其家門首。緣何有金甲神將。重重圍遶。鬼卒稟上王子。許旌陽真君。降臨木府。小丑驚科他來做甚麼。此公雖然道法最高。我乃玉葉金枝。地尊禮絕。以禮聘娶姬妾。王家常事。與他無干。不怕他撓阻。直入則箇叫左右。好生伏事郭倩香。賈凌波。升輿而去。衆應。小丑與外相見。小生亦見。王子科外。仗劍科。咄。小兒休得無禮。汝父位列冥君。粗立功效。汝不思懷公秉正。勉繼前修。何乃倚勢作妖。強奪良婦。上得罪於玉帝。下玷辱於祖先。本當飛劍立斬。汝自姑念汝父薄分。權貸汝死。可速歛戩。改過自新。若再不悛身。身異處。小丑真君差矣。吾非下鬼。小妖。堂堂王子。正位。請連姻帝族。請兵百萬。神將千員。以禮

聘娶姬人。王家常事。何預於君。妄行呵斥。若不得已。至于用兵。豈遂出君下。外小妖敢爾。見色迷心。宣其姪德。是為不仁。定與王至德人豪。無故欲奪其二姬。是為無禮。不念爾考。以姪慝敗其家聲。是為不孝。不畏上帝之大命。不與真官之三尺。是為不忠。有此死罪四。尚敢飾辭逞辯。汝豈謂吾劍不利耶。仗劍作法科小丑大恩欲遁。不得科。小妖。吾金甲神將。密匝圍汝數十重。豈能逃脫。可速納款。改過自新。不爾無及。小丑跪告罪乞哀科

高陽臺外駕霧鞭霆。破山伐廟。蕩掃修羅鬼國。玉節

金幢。恭行上帝符冊。麾斥手提神劍。誅邪黨。假饒是

犯正條。違天律。那怕你神通六臂。插天雙翼。

前腔赫奕。金甲神人。銅頭猛將。密密滿空。戈戟霹靂。飛光妖氛。何處藏匿。奸慝絳闕。丹霄頒詔旨。况如來。更傳佛勅。早教你驚魂破膽。竄身辟易。

前腔堪憎。冥府崇階。神剛貴冑。如何不行正直。作橫宣姪等。閑安逞胃臆。輕擲把金枝玉葉。斷送了。還累你家尊清白。想王家娥媁不少。忍三三三三。

前腔女德。陟洗鉛華。力依三寶。你卻要汗他白壁。大將藥。入護汰韋馱。肯釋蕩滌。古人知過皆能改。早懲

愆賢賢易色。

小丑不肖知罪了。望真君寬宥。外我代天行化。寶劍在手。于汝孺子何有哉。願

念慈悲好生。貸汝一死。

還當取吾皇詔旨。量行戒節。

也罷。釋汝回去。洗心改行。永作正神。行正事。小丑多謝真君。下外木侯過來。汝家二姬。被鬼氣所侵。病勢沉重。賜汝神丹一顆。可中分食之。疾可立愈。就此告別。小生多謝天師。救此二命。快請母親。小鬟扶二姬出來。一同拜謝天師者。外不必致謝。吾去也。寶劍當空。除大魔。神丹入口。起沉疴。竦身忽指雲霄去。下見滄溟。浸白波。下旦貼小旦上。小生好告母親。適纔伏劍除妖。道者事畢。騰空而去。元來是一位天上聖師。想是佛天差來的。我們大家望空拜謝。衆拜謝科。小生天師臨去時。留下神丹一粒。教與二姬分食。沉疴立愈。貼小旦分食科。呀。果然纔入口時。神氣頓爽。真仙丹也。

二犯傍救臺。日稽首謝天師。雲端降下。剗地救災危。
多應仗。三寶力。宣法旨。五丁隨。早見北幽王子威風。
減。免得南國家人粉黛羅。合真君仙仗。浮空羽旗。七
星冠映九霞衣。

前腔

生

鸞笙鳳吹。响參差。神符寶印。六甲帶靈飛。風

雲掃妖氣滅。雷雷閃。劍光馳。只見魁臺使者。明戈甲。

又有叱火天丁聽指揮。

前合

前腔

貼小

狂風驟雨。如花枝。拿雲隻手。救取兩蛾眉。

望子煥。蔣帝廟太乙。檢華山。祇幸仗青霜寶劍降魔
事。又賜絳雪神丹續命絲。前合

日孩兒二姬。這場災禍。原從郊外。禮拜觀音大士。
惹得來的。我又同你苦求佛力救護。真君此來。必
是菩薩差遣。我和你們還當
拜謝如來。回身拜如來科。

下山虎

日

龍天護佑佛法加持。敕遣真君至。驅邪片

時。全憑大士弘慈。恍惚金容在茲。不枉蓮花兩淨尼。
合十投五體。但見青螺紺髮齊。轉覺形骸穢。何年脫
離彈指迦毗盧國西。

前腔生小渡河香象。摩海金鷄。絳闕青鸞使。雲端一塵
只見神仗散。葳蕤冥帥。忝離披。玉葉王孫泣。路岐何
處求佳配。羞殺銀屏綉幄期。鴉鳳原非類。終難並棲。
到底蓮花不染泥。

小桃紅

旦貼小

紅妝久洗翠館長辭。不復御羅衣也。禪

心淨持。明月瑣窓知何事。遇狂且。白分香可。殘玉可
碎。甘做琉璃脆也。忍去王宮再畫眉。仰願龍天庇。扶
衰濟厄。幸免如來戒體虧。

